

**«ՈՒՍԱՐ» ՍՊԸ-ՈՒՄ ՎԱՐՈՐԴԱԿԱՆ ԻՐԱՎՈՒԼՔԻ ՈՐԱԿԱՎՈՐՄԱՆ ՏԵՍԱԿԱՆ ՔՆՆՈՒԹՅԱՆ
ՆԱԽԱՊԱՏՐԱՍՏՄԱՆ ԴԱՏԸՆԹԱՑԻՑ ՕԳՏՎԵԼՈՒ ԶՐԱՊԱՐԱԿԱՅԻՆ ՊԱՅՄԱՆԱԳԻՐ**

1. ՊԱՅՄԱՆԱԳՐՈՒՄ ՕԳՏԱԳՈՐԾՎԱԾ ԶԻՄՆԱԿԱՆ ՀԱՍԿԱՑՈՒԹՅՈՒՆՆԵՐԸ

- Հրապարակային պայմանագիր՝ «Ուսար» ՍՊԸ-ի և Օգտատիրոջ միջև անուղղակի կնքվող պայմանագիր, որը կնքվում է Օգտատիրոջ կողմից համաձայն սույն պայմանագրի կետերի վճարում կատարելու և «Ուսար» ՍՊԸ-ի հաշվեհամարին տվյալ վճարումը մուտքագրվելու պահից:
- Ծառայություն մատուցող՝ «ՈՒՍԱՐ» ՍՊԸ:
- Օգտատեր՝ varord.am վեբ կայքում կամ AppStore-ում կամ Google Play-ում տեղակայված varord.am հավելվածներով գրանցված անդամ՝ ով նշված վեբ կայքով կամ հավելվածներով վճարել է Ծառայություն մատուցողի ուսումնական ծրագրերից օգտվելու համար:
- Ուսումնական ծրագիր՝ Վարորդական իրավունքի որակավորման տեսական քննությանը նախապատրաստվելու ուսումնական ծրագիր՝ համաձայն հավելված 1-ում ներկայացված բովանդակության:
- Ուսումնական սրահ՝ Սրահ որտեղ տեղադրված են անհրաժեշտ համակարգչային ծրագրերով ապահովված համակարգիչ(ներ), որով Օգտատերը կարողանում է օգտվել Ուսումնական ծրագրից:

2. ՊԱՅՄԱՆԱԳՐԻ ԱՌԱՐԿԱՆ

- Հրապարակային պայմանագրի համաձայն, Ծառայություն մատուցողը պարտավորվում է Օգտատիրոջը ապահովել հասանելություն Ծառայություն մատուցողի ուսումնական ծրագրին՝ համաձայն Հրապարակային պայմանագրի անբաժանելի մաս կազմող «Ուսումնական ծրագիրը և դրանից օգտվելու կարգը» և «Առաջարկվող փաթեթներ» հավելվածների պայմանների:
- Վճարման, «Ուսումնական ծրագիրը և դրանից օգտվելու կարգը» և «Առաջարկվող փաթեթներ» հավելվածների պայմանները ապահովելու համար Ծառայություն մատուցողը կիրառում է varord.am վեբ կայքը կամ AppStore-ում կամ Google Play-ում տեղակայված varord.am հավելվածները: Ամենատարբեր պատճառներով AppStore-ում կամ Google Play-ում տեղակայված varord.am հավելվածների ժամանակավորապես չգործելը հիմք չէ սույն պայմանագրի կամ դրան կից հավելվածների պայմանները չկատարելու կամ այլ կերպ մեկնաբանելու համար: AppStore-ում կամ Google Play-ում տեղակայված varord.am հավելվածների ժամանակավորապես անհասանելի լինելու դեպքում միշտ կարելի է օգտվել varord.am վեբ կայքից:

3. ՊԱՅՄԱՆԱԳՐԻ ԿՆՔՈՒՄԸ և ՈՒԺԸ ԿՈՐՑՆԵԼԸ

- Հրապարակային պայմանագիրը կողմերի համար իրավական ուժ է ստանում Օգտատիրոջ վճարած գումարը «Ուսար» ՍՊԸ-ի հաշվեհամարին փոխանցվելուց հետո, եթե վճարումը իրականացվել varord.am վեբ կայքի կամ AppStore-ում և Google Play-ում տեղակայված varord.am հավելվածների վճարման գործիքակազմով:
- Մինչ վճարումը, Օգտատերը համակարգում պետք է գրանցի իր անունը, ազգանունը և հեռախոսահամարը: Եթե վճարողի անձնական տվյալները չեն համընկնում Օգտատիրոջ տվյալների հետ, վճարումն ընդունվում է ի օգուտ այն Օգտատիրոջ, ում մուտքագրումով հասանելի են դարձել varord.am վեբ կայքի կամ AppStore-ում կամ Google Play-ում տեղակայված varord.am հավելվածների վճարման գործիքները:
- Օգտատերը Հրապարակային պայմանագրի կնքմամբ հաստատում է, որ ինքն ամբողջությամբ ծանոթացել է Հրապարակային պայմանագրի դրույթներին, դրան կից հավելվածներին, և դրանցում ներկայացված պայմաններն իր համար ամբողջությամբ հասկանալի և ընդունելի են, ու Հրապարակային պայմանագրով նախատեսված ծառայությունների մատուցումը բխում է իր իրական շահերից:
- Սույն պայմանագրի դրույթները կոնկրետ օգտատիրոջ մասով կորցնում են ուժը, եթե Օգտատիրոջ ձեռք բերած փաթեթի պայմանների համաձայն իրացվել են դաս(եր)ը կամ լրացել է պայմանագրի ժամկետը՝ անկախ այն հանգամանքի, թե որքանով է օգտատերը սպառել նախապես պատվիրված դասաժամերը:
- Սույն պայմանագրի դրույթները կոնկրետ օգտատիրոջ մասով կորցնում են ուժը, եթե սույն պայմանագրում նախատեսված հինքերով կողմերից մեկը լուծում է պայմանագիրը:

4. ՆԱՌԱՅՈՒԹՅԱՆ ԱՐԺԵՔ ԵՎ ՎՃԱՐՈՒՄԸ

- Դասի կամ փաթեթի արժեքը որոշվում է Օգտատիրոջ ձեռք բերած փաթեթի պայմանների համաձայն:
- Վճարումը կարող է իրականացվել միայն varord.am վեբ կայքի կամ AppStore-ում կամ Google Play-ում տեղակայված varord.am հավելվածների վճարման գործիքակազմով:
- Եթե Օգտատերը չի օգտվել սույն պայմանագրով նախատեսված Ուսումնական ծրագրից (Ճառայությունից օգտվել է համարվում նաև դասաժամի գրանցումը ու այն բաց թողնելը), վճարումից հետո 14 օրվա ընթացքում Ճառայություն մատուցողից կարող է պահանջել վճարված գումարի ամբողջական վերադարձ:
- Օգտատերը կարող է պահանջել գումարի ամբողջական վերադարձ, եթե չունի գրանցված ու բաց թողնված ժամեր և առաջին դասի ավարտին որոշում է չչարունակել հետագա ուսուցումը:
- Գումարի հետվերադարձը կարող է իրականացվել միայն այն քարտատիրոջ հաշվին, ում քարտից կատարվել է վճարում ի օգուտ Օգտատիրոջ: Օգտատերը իրավունք չունի պահանջել վերադարձնել գումարը այլ քարտի կամ հաշվեհամարի կամ կանխիկով կամ ցանկացած այլ տարբերակով:
- Օգտատիրոջ կողմից ձեռք բերված փաթեթը չի կարող փոխարինվել մեկ այլ փաթեթով: Օգտատերը կարող է օգտվել որևէ փաթեթից և վճարել մեկ այլ փաթեթի համար, եթե նախապես ընտրված փաթեթը սպառվել է (սպառվել են փաթեթով նախատեսված դասերը կամ ավարտվել է փաթեթով սահմանված պայմանագրի ժամկետը):
- Գումարի մասնակի վերադարձ չիրացված դասերի մասով չի իրականացվում:

5. ՆԱՌԱՅՈՒԹՅՈՒՆ ՄԱՏՈՒՑՈՂԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

- Ճառայություն մատուցողը պարտավոր է.
 - Ապահովել մատուցվող ծառայությունից օգտվելու համար Օգտատիրոջ գրանցած տվյալների գաղտնիությունը՝ համաձայն կայքում ներկայացված «Տվյալների գաղտնիության քաղաքականության»:
 - Օգտատիրոջը ապահովել հասանելիություն ուսումնական ծրագրերին՝ համաձայն «Ուսումնական ծրագիրը և դրանից օգտվելու կարգը» հավելվածի և Օգտատիրոջ կողմից ձեռք բերված փաթեթի պայմանների:
 - Ապահովել առցանց գործիքակազմ դասաժամերի գրանցման կամ չեղարկման համար:
 - Օգտատիրոջ դիմումի համաձայն վերադարձնել ծառայության համար վճարված գումարը՝ համաձայն սույն հրապարակային պայմանագրի 4-րդ մասի պայմանների:
- Ճառայությունն մատուցողն իրավունք ունի.
 - Դադարեցնել Օգտատիրոջ դասընթացը, եթե վերջինս խախտում է «Ուսումնական ծրագիրը և դրանից օգտվելու կարգը» հավելվածի պայմանները: Այս դեպքում Օգտատերը չի կարող պահանջել գումարի հետվերադարձ, քանի որ իր կողմից խախտվել են «Ուսումնական ծրագիրը և դրանից օգտվելու կարգը» հավելվածի պայմանները:
 - Դադարեցնել Օգտատիրոջ դասընթացը և լուծել պայմանագիրը համաձայն «Ճառայության արժեքը և վճարումը» բաժնի դրույթների, եթե Օգտատիրոջ ներկայացրած պահանջները՝ սույն պայմանագրով նախատեսված ծառայության մատուցումը դարձնում են անհնար:
 - Չեղարկել Օգտատիրոջ ընթացիկ կամ սպասվող դասաժամը, եթե դրա ապահովումը անհնար է դարձել ինտերնետ հասանելիության կամ Էլեկտրական հոսանքի բացակայության պատճառով: Այս պայմանով դասաժամի չեղարկումը չի կարող նվազեցնել Օգտատիրոջը հասանելի դասաժամերի քանակը:

6. ՕԳՏԱՏԻՐՈՋ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

- Օգտատերը պարտավոր է.
 - Պահպանել ոչ միայն սույն պայմանագրի, այլ նաև սույն պայմանագրին կից հավելվածների պայմանները:
 - varord.am վեբ կայքի կամ AppStore-ում կամ Google Play-ում տեղակայված varord.am հավելվածների միջոցով մուտքագրել հավաստի տվյալներ: Օգտատիրոջ գրանցած տվյալների

- ու նրա փաստացի անձնագրային տվյալների անհամապատասխանության դեպքում պատասխանատվությունը կրում է Օգտատերը:
 - պահպանել իր տվյալների գաղտնիությունը:
 - իր օգտահաշվից այլ անձին հասանելության վերաբերյալ կասկած ունենալու դեպքում անմիջապես այդ մասին տեղեկացնել Ծառայություն մատուցողին:
 - ոչ մի պայմանով 3-րդ անձի չփոխանցել Ուսումնական ծրագրերին հասանելություն ապահովող Նույնականացման կողմը:
 - Դասընթացի ժամանակ իրեն տրամադրված գույքն օգտագործել ըստ նշանակության: Օգտատիրոջ կողմից Ծառայություն մատուցողի գույքը ըստ նշանակության չօգտագործելու դեպքում փչացնելու ողջ պատասխանատվությունը կրում է Օգտատերը:
- Օգտատերն իրավունք ունի.
 - Հետ պահանջել վճարված գումարը ամբողջությամբ վճարումից հետո 14 օրվա ընթացքում, եթե չի օգտվել ծառայությունից: Ծառայությունից օգտվել է համարվում նաև դասաժամի գրանցումը ու այն բաց թողնելը:

7. ՓՈՓՈԽՈՒԹՅՈՒՆՆԵՐԸ ՍՈՒՅՆ ՀՐԱՂԱՐԱԿԱՅԻՆ ԴԱՅՄԱՆԱԳՐՈՒՄ

- Ծառայություն մատուցողը, առանց մյուս կողմի հետ համաձայնեցնելու կարող է փոփոխություններ կատարել հրապարակային պայմանագրի դրույթներում: Փոփոխված դրույթները չեն կարող ունենալ իրավական ուժ, եթե Օգտատերը հրապարակային պայմանագրի դրույթների մասին իր համաձայնությունը հաստատել է մինչև դրանք փոփոխվելը: Սույն տեքստային ներկայացմանը զուգահեռ, վերջում կարելի է գտնել Հրապարակային պայմանագրի բոլոր տարբերակները PDF ֆորմատով՝ ստորագրված «ՈՒսար» ՍՊԸ-ի տնօրենի կողմից:

8. ԱՆՀԱՂԹԱՀԱՐԵԼԻ ՈՒԺԻ ԱՁԴԵՑՈՒԹՅՈՒՆԸ /ՖՈՐՍ-ՄԱԺՈՐ/

- Հրապարակային պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է Հրապարակային պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են՝ երկրաշարժը, ջրհեղեղը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ընդունված ակտերը և այլն, որոնք անհնարին են դարձնում Հրապարակային պայմանագրով սահմանված պարտավորությունների կատարումը: Եթե արտակարգ ուժի ազդեցությունը շարունակվում է 3 /երեք/ ամսից ավելի, ապա Հրապարակային պայմանագրի կողմերից յուրաքանչյուրն իրավունք ունի լուծել Հրապարակային պայմանագիրը՝ այդ մասին նախապես տեղյակ պահելով մյուս կողմին:

9. ԾԱՆՈՒՑՈՒՄՆԵՐ

- Օգտատիրոջ որոշ գործողություններ կարող են ծանուցվել կարճ հաղորդագրությունների կամ էլ փոստի միջոցով: Եթե գործողությունից անմիջապես հետո Օգտատերը կարող է իմանալ դրա մասին, ապա ծանուցում չի ուղարկվում (օրինակ, վճարումը հաստատվելու կամ չընդունվելու մասին Օգտատերը տեղեկանում է անմիջապես և ծանուցում ուղարկելու անհրաժեշտություն չի ծագում): Բոլոր դեպքերում, երբ Օգտատերը չի կարող իմանալ իր կատարած գործողության անմիջական արդյունքը (հետևանքը), Ծառայություն մատուցողը պարտավոր է ուղարկել ծանուցում: Պետք է հաշվի առնել, որ տեխնիկական առանձնահատկություններից ելնելով՝ Ծառայություն մատուցողը չի կարող երաշխավորել էլեկտրոնային փոստի հասցեով կամ բջջային հեռախոսահամարով ուղարկված հաղորդագրությունների ստացումը Օգտատիրոջ կողմից:

ՈՒՍՈՒՄՆԱԿԱՆ ԾՐԱԳԻՐԸ և ԴՐԱՆԻՑ ՕԳՏՎԵԼՈՒ ԿԱՐԳԸ

Ուսումնական ծրագիրը բովանդակում է

- Տեսադասեր ճանապարհային երթևեկության կանոնների, նշանների, գծանշումների, վարորդի իրավունքների ու պարտականությունների, տրանսպորտային միջոցի շահագործումն արգելող անսարքությունների ու երթևեկության անվտանգության սկզբունքների մասին:
- Գիտելիքների ստուգման թեստային հարցեր
- Թեստային հարցերին կից մեկնաբանություններ
- Բովանդակության և հարցերի թեմատիկ խմբավորում, արդյունավետության գնահատման գործիքներով
- Վարորդական իրավունքի որակավորման տեսական քննության թեստերի տիպային օրինակներ
- Գնահատման գործիքներ Օգտատիրոջ գիտելիքները ստուգելու համար:

Այս բովանդակությունից Տեսադասերը և Թեստային, քննական հարցերի մեկնաբանությունները հասանելի են միայն ուսումնական սրահներում:

Ընդ որում թեմատիկ դասերը իրենց տեսադասերով հասանելի են միայն հստակ հերթականությամբ: Թեմատիկ յուրաքանչյուր հաջորդ դասը ակտիվանում է միայն նախորդը դիտարկելուց հետո:

Հասանելիությունը ուսումնական ծրագրին

Վճարում կատարելը բավարար չէ ուսումնական սրահում ծրագրերին հասանելություն ստանալու համար: Երբ Օգտատերը ուսումնական սրահ է այցելում առաջին անգամ, իր հետ պետք է ունենա վավեր անձնագիր կամ նույնականացման քարտ և հեռախոս՝ հասանելի այն հեռախոսահամարով, որը varord.am վեբ կայքում կամ AppStore-ում կամ Google Play-ում տեղակայված varord.am հավելվածներում գրանցվել է որպես անձնական տվյալ: Անձնագրի կամ նույնականացման քարտի բացակայության, ինչպես նաև նախապես գրանցած հեռախոսահամարի անհասանելության դեպքում Օգտատիրոջ հասանելիության ակտիվացումը կդառնա անհնար, որի պատասխանատվությունը կրում է Օգտատերը:

Ուսումնական ծրագրին հասանելիություն ստանալու համար համակարգ պետք է մուտքագրվի վերջինիս լուսանկարը, անձնագրի սերիան և համարը, և անձնագրի լուսանկարը (անձնագրի երկրորդ էջը կամ նույնականացման քարտի դիմերեսը): Եթե Օգտատիրոջ գրանցած անունը և ազգանունը նույնական չեն անձը հաստատող փաստաթղթի հետ, ապա մեր աշխատակիցը կարող է փոխել այդ տվյալները:

«Ուսար ՄՊԸ»-ի աշխատակիցի կողմից համակարգում Օգտատիրոջ անձնագրային տվյալները ստուգելուց մուտքագրելուց հետո, varord.am-ում՝ միայն Օգտատիրոջը հասանելի տիրույթում հայտնվում է Նույնականացման կոդ, որի կիրառումը թույլ է տալիս հասանելիություն ուսումնական ծրագրերին:

Ուսումնական ծրագրից օգտվելը

Օգտատերը Ուսումնական ծրագրից կարող է օգտվել միայն ի սկզբանե գրանցած դասաժամին և ի սկզբանե գրանցած ուսումնական սրահում:

Ուսումնական ծրագրից կարող են օգտվել միայն տեսողության և/կամ լսողության խնդիրներ չունեցող անձինք:

Ուսումնական ծրագրից հնարավոր է օգտվել միայն ուսումնական սրահում տեղակայված համակարգից ու դրան կից պերիֆերիկ սարքերից: Որպես բացառություն, օգտատերը կարող է օգտագործել միայն իր անձնական ականջակալները (միայն լարային միացումով):

Արգելվում է հեռախոսով կամ ցանկացած այլ սարքով տեսագրությունը, ձայնագրությունը կամ տեսաձայնագրությունը:

Տեսագրելու, ձայնագրելու կամ տեսաձայնագրելու դեպքում դասընթացը կարող է դադարեցվել: Այս հիմքով դադարեցված դասընթացի մասով Օգտատերը գումարի հետվերադարձ չի կարող պահանջել:

Արգելվում է ծխելը ուսումնական սրահում:

Արգելվում է ուսումնական համակարգիչների մոտ ուտելը կամ սնունդը սեղանին դնելը:

Արգելվում է աղմկելը, ինչը կխանգարի մյուս սովորողներին:

Հավելված 2

ԱՌԱՋԱՐԿՎՈՂ ՓԱԹԵԹՆԵՐ

Իմ ժամանակը

Արժեքը՝ 37900 ՀՀ դրամ, զեղչի գործողության ժամկետի դեպքում 29900 ՀՀ դրամ:

Չեղչի գործողության ժամկետի դեպքում Օգտատերը տեսնում է զեղչվող գումարի մեծությունը (8000 դրամ): Եթե այն առկա չէ, զեղչի ժամկետը սպառվել է:

Դասերի քանակը՝ 20.

Պայմանագրի տևողությունը՝ 60 օր.

Ամրագրված դասաժամը հնարավոր է չեղարկել մինչև դասը սկսելը, եթե ամրագրումից չի անցել 20 րոպե կամ էլ մինչև դասի մեկնարկը կա 12 ժամից ավել ժամանակ:

Ինձ հարմար է

Արժեքը՝ 27900 ՀՀ դրամ:

Օգտատերը կարող է դասաժամեր ընտրել 09.00-ից 15.30-ի սահմաններում:

Դասերի քանակը՝ 20.

Պայմանագրի տևողությունը՝ 30 օր.

Ամրագրված դասաժամը հնարավոր է չեղարկել մինչև դասը սկսելը, եթե ամրագրումից չի անցել 15 րոպե կամ էլ մինչև դասի մեկնարկը կա 24 ժամից ավել ժամանակ:

Ժամավճարով

Արժեքը՝ 3000 ՀՀ դրամ,

Դասերի քանակը՝ 1,

Պայմանագրի տևողությունը՝ 10 օր.

Ամրագրված դասաժամը հնարավոր է չեղարկել մինչև դասը սկսելը, եթե ամրագրումից չի անցել 15 րոպե կամ էլ մինչև դասի մեկնարկը կա 12 ժամից ավել ժամանակ:

Հավելված 3

ԴԱՍԱԺԱՄԵՐԻ ԳՐԱՆՑՄԱՆ / ՉԵՂԱՐԿՄԱՆ և ԻՐԱՑՄԱՆ ԿԱՐԳԸ

Դասաժամերի գրանցումը կամ չեղարկումը իրականացվում է varord.am վեբ կայքում կամ AppStore-ում կամ Google Play-ում տեղակայված varord.am հավելվածների գործիքակազմի կիրառմամբ: Դասաժամի գրանցման կամ չեղարկման այլ տարբերակներ կիրառել հնարավոր չէ:

Օգտատերը նախ պետք է ընտրի ուսումնական սրահը (եթե ընտրելու հնարավորություն կա), հետո առաջարկվող դասաժամերից ընտրի իրեն հարմար տարբերակը, եթե դասաժամը հասանելի է (ներկայացված է կանաչ գույնով):

Օգտատերը գրանցված դասաժամին կարող է օգտվել Ուսումնական ծրագրից միայն այն ուսումնական սրահում, որը ընտրել է դասաժամի գրանցման ժամանակ:

Դասի չեղարկման գործիքները ևս պարզ են ու ինքնին հասկանալի: Դասը հնարավոր է չեղարկել մինչև դրա մեկնարկի ժամը, եթե գրանցված դասերի ներկայացման աղյուսակում՝ դասաժամի ներկայացման տվյալների տողում առկա «չեղարկել» կոճակը:

Դասաժամի «բաց թողնված» կարգավիճակը նշանակում է, Օգտատերը գրանցված դասաժամին Ուսումնական սրահում տեղադրված համակարգչում չի մուտքագրել Նույնականացման կոդը: Նախապես գրանցված դասաժամերի իրացման տեսանկյունից, «Բաց թողնված» կարգավիճակով դասաժամը համարժեք է «կայացած» կարգավիճակ ունեցող դասաժամերին (Օգտատերը օգտագործել է դասաժամը): Օրինակ՝ Օգտատերը նախապես վճարել է 20 դասաժամի համար, որից 18-ը օգտագործել է, իսկ երկուսը բաց է թողել: Սա նշանակում է իրացված դասաժամերից 18-ը ունի «կայացած» կարգավիճակ, երկուսը՝ «բաց թողնված», որոնց հանրագումը 20 դասաժամ է: Հետևաբար օգտատերը սպառել է 20 դասաժամը, որի համար վճարել էր:

Օգտատերը գրանցված դասաժամից կարող է օգտվել մինչև դրա ավարտը ցանկացած պահի:

Մեկ դասաժամի տևողությունը 58-60 րոպե է: Դասաժամի սկիզբը՝ հաշվարկվում է գրանցված ժամից, անկախ այն բանից, թե որ պահին Օգտատերը կակտիվացնի այն:

Օգտատիրոջ ուշացումները իր պատասխանատվությունն են, և բաց թողնված րոպեները կամ դասն ամբողջությամբ վերականգնման կամ լրացման ենթակա չեն:

«ՈՒՍԱՐ» ՍՊԸ

ՀՎՀՀ` 01251991

Վեբ-կայք` www.varord.am